

明

史

明史卷三百

列傳一百五十一

張世忠

王邦直 張

鳳 張 達 林 椿

王 相

李 洙

郭 都 丁 碧

岳 懋 薛 綦

殷尚質

陳 鳳

李 光 啟 趙 傾 葵

蔣承勛

李 彬 張 紘

李 梅

楊 璘 璘

崔世榮

楊 照 練 補 衮

王 治 道 郎 得 功

郭 江

張世忠字顯甫其先日照人祖俊為山海衛鎮撫因

家焉世忠嫻武事兼通書史嘉靖五年舉武會試由

世職增二秩為署指揮僉事以才推掌衛事守備黃

花鎮進署卻指揮令古元大同右叅將十七年賊犯丁
家村世忠拒之斬獲多十九年春正月賊以五百騎
伏大王廟灣而達四十餘騎分掠世忠守備林椿追
擊之陷伏中兵敗殺指揮以下二十九人世忠坐罷
明年山西寇警兵部舉世忠將才授山西右叅將分
守老營堡二十一年七月賊復大舉越太原散掠潞
安平陽屬縣諸軍觀望不敢戰賊剽掠既厭還屯祁
縣世忠與副總兵段堂遊擊張文懿叅將何堂劉維
禕令五營兵襲之至陸夫村遇賊段堂軍先驚潰文
懿等引避獨世忠奮前與角賊集精騎三千餘圍之

世忠力戰不得出已被箭指下烏裹瘡痍開殺傷過
常賊見孤軍無援益增兵合圍世忠首中二矢死百
戶張宣張臣亦戰歿事聞贈右都督謚忠愍有司立
祠致祭且給塋歛臣宣亦予恤而堂等悉下獄論死
王邦直字國寧磁人父潯府谷知縣邦直生而駢脇
有神力人稱為王千斤弱冠補諸生頗好騎射窮韜
畧有意立功常省父府谷達還道遇寇騎發一矢不
中中石石為之泐寇視矢大如椹驚不敢犯嘉靖中
邊患棘詔舉天下武勇兵部都給事中戴夢桂及河
南撫按官文章荐邦直詔送大同立功總督翁萬達

遇以國士二十四年八月賊數萬犯鵲鵠峪邦直同
故泰將張鳳等禦之鳳以衆不敵未敢輕進守者趣
之且激邦直曰若素以勇名何見賊不擊邦直遂大
呼入賊陣鳳從之賊初皆辟易已見軍無後繼圍之
數重鳳及指揮劉欽千戶李瓚等力戰皆已死邦直
猶奮大刀斬數十人力竭亦遇害事聞贈都指揮僉
事廕予世千戶官為建祠與鳳並祀子化熙由廕累
官都督僉事歷浙江廣東廣西總兵官鳳先生事落
職至是獲之廕視邦直欽等亦贈廕有差
張達涼州人目不知書然慷慨負奇節膂力絕人嘉

靖中累官指揮僉事守併鎮番尋進署都指揮僉事
充延綏遊擊將軍二十年秋吉囊俺荅大入山西達
率所部赴援數遇賊殺傷相當己與副總兵王縉被
圍于嵐縣力戰得出改左叅將分守莊浪旋擢署都
督僉事充山西總兵官駐軍武明年六月賊復大舉
由大同越雁門直抵太原復南至襄垣長子凡瀾州
縣三十有八殺掠十餘萬人坐逮繫獄兵部尚書毛
伯溫言達善撫士卒被逮之日部曲攀號如失慈母
不宜以一眚永棄請得立功須後效帝不從二十三
年冬賊由淳園峪抵完縣京師戒嚴給事戴夢桂請

釋達保自効乃命赴軍前立功明年八月賊犯大同
鉄峽門達力戰却之又明年命為宣府副總兵尋以
總兵官鎮陝西又移鎮延綏二十八年改大同六月
俺荅以數萬騎入塞伏精銳谿谷中令羸騎百餘來
誘偵卒信走白巡按御史胡宗憲宗憲時已醉遽趣
達出師達見賊勢方張且徵兵未集欲持重待之宗
憲厲聲責之達不得已率所部出達素勇敢好離營
繞關至是憤怒輒挺身陷陳賊麾伏兵圍之數匝達
殊死戰左右衝突不得已副總兵林椿別擊零騎于
弥陀山聞達急引兵西救一日三戰亦陷重圍四面

夫如雨達竟死一軍皆沒椿亦中矢死事聞贈達左都督謚忠剛立祠賜祭葬給事中唐禹言達二子世傑世授血戰潰圍得全請加叙錄詔並廕世指揮僉事已兵部言世授係達族子請以達次子世俊代世授襲訐之仍別命世授為指揮僉事椿字永年大同人幼有孝行嘉靖中襲父職為右衛指揮僉事積功進署都指揮僉事歷左副總兵協守大同贈都督同知謚忠勇立祠賜祭葬同于達並子鳳滕廕指揮僉事世襲

王相東寧衛人嘉靖中嗣指揮職倂禦前死三十一

年四月把都兒罕愛率騎二萬餘自新興堡入犯守
堡指揮姚大謨百戶常祿率兵二百據三道溝扼之
賊縱鉄騎合圍指揮劉棟劉啓基急提兵四百盡銳
突入與大謨等殊死戰不得出四人俱死卻卒失亡
大半相聞統所部兵赴援與賊遇于寺兒山大戰移
時殺傷略相當賊舍去相首及胸背被創移營沙河
驛千戶葉廷瑞調兵百餘佐之相表創欲復戰或言
衆寡非敵當之必無幸相曰吾家世為將惟有此一
腔血報國恩耳且賊驕而無律雖衆不足憚明日賊
驅掠人畜欲歸相帥麾下四百人疾出邀之遇于蠟

梨山賊率衆至大戰官軍矢竭相勇氣益倍持刀左
右擊身被十餘創而死指揮張策百戶程克政胡鎮
及麾下死士者三百人賊亦引退廷瑞面受數刃仆
于地越日乃旌帝嘉相死敵贈都督同知謚忠烈廕
子世千戶賜祭葬大諡等亦贈卹有差

李沐容城人由世廕為保定後衛指揮僉事歷署都
指揮僉事遷東副總兵居官公廉無媿禁所部毋苛
歛一軍德之進署都督僉事為山西總兵官三十一
年春賊四入驢皮砦諸處沐及遊擊史略禦之其秋
賊再闚三關沐督諸將據險力拒賊不入俄數萬騎突

犯神池利民諸堡涑平游擊李良臣丘陞等迎賊于
野豬溝驅之出境錄功署都督同知明年賊兩犯河
曲老營堡守者失利涑赴援後期坐停俸七月賊大
舉犯大同總督蘇祐涑及遊擊趙綸劉承惠泰將啟
尚質麻祿等合軍營廣昌禦賊永安堡賊縱精騎四
面衝之宣大雨鎮總兵官劉大章吳瑛堡近地觀望
不戰賊遂得利去踰月賊復自大同入山西巡撫趙
時春帥師至廣武聞有零騎欲親擊之涑力諫時春
不從追及于大蟲嶺賊伏兵四起涑太息謂時春公
急去吾當死此時春乃奔賊欲追之涑殊死還擊賊

朱益衆沐與其子松及遊擊李桂泰將馮恩守併孔
賓高遷指揮陳金尹忠俞輝皆戰死一軍盡沒事聞
贈沐少保左都督賜諡忠愍廕子世指揮使立祠予
祭葬松亦贈指揮同知桂大同右衛人贈都督僉事
猛毅勇廕子世指揮僉事恩以下贈恤有差始興沐
共擊賊者史略後為宣府泰將三十二年三月賊犯
西路新開口畧整軍禦之戰沒詔贈左都督卹典視

鄒都

鄒都廣寧衛人嘉靖中由世廕為指揮使累功進都
指揮僉事充遊擊將軍賊犯鎮遠堡督兵追之塞外

抵舊遼陽而還調錦義泰將賊大舉犯廣寧長驅南
下圍閭陽驛都提兵渡凌河踰關山逃出賊前奮擊
大破之賊解圍遁擢副總兵協守宣府三十二年春
賊數萬騎入寇延綏援勦游擊孫邦丁碧力戰却之
邦被創未幾又寇深井堡都率所部禦之轉戰三日
斬獲多至洶沙堡賊見兵疲無援麾衆合圍都左右
衝擊手斬數人身被數十創而死帝聞贈左都督謚
忠壯立祠賜祭葬于世指揮僉事碧既却賊遷大同
西路叅將三十四年九月賊復大舉入犯碧提孤軍
數百遇其前鋒于馬家窩奮力大呼突陣賊攢射之

矢貫顙而死贈都督同知議節愍

岳懋陝西人嘉靖中積官署都指揮僉事為大同西路叅將尋擢遼東副總兵三十二年賊五百餘騎犯榆林堡懋及游擊蘇澄督兵禦之賊走出塞懋等追奔四十里及于小長山斬首四十七級以功受賚其冬擢署都督僉事充大西總兵官明年五月懋帥師巡邊賊萬餘騎設伏塞外以零騎掠城懋欲逐之指揮僉事薛慕諫曰賊狡疑有伏請毋深入懋不從追擊至青圪塔果陷伏中官軍大潰懋力戰而死慕已奪圍出聞懋被害太息曰主將死我何用生為復陷

陣搏賊亦死之事聞贈懋少師左都督賜諡壯愍廕
予世指揮立祠致祭泰贈都督僉事廕予世千戶賜
祭塋祔享懋祠

殷尚質天津衛人嘉靖十四年襲指揮僉事掌衛事
以勤能數被荐進都指揮僉事歷太原大同等泰將
三十二年巡撫侯鉞為賊所圍尚質督軍衛之圍遂
解擢遼東副總兵未幾進署都督僉事充總兵官三
十五年十月打米孫以十餘萬騎入廣寧尚質急率
游擊聞懋官等禦之塔兒山賊先突懋官營不為動
乃馳攻尚質尚質督麾下殊死戰力屈死之懋官馳

救亦戰死。懋官定遠左衛人。父泰將振先以擊賊陣亡。至是懋官繼之。世清忠義事。聞詔贈尚質少保左都督。謚忠愍。懋官都督同知。甘廕予立祠。後三年而賈冕又三年而黑春皆死事。遼陽冕初嗣廣寧衛指揮尋舉武會試。進署都指揮僉事。為中路遊擊將軍。三十八年冬賊犯遼陽。南抵海州。冕督軍往禦。死焉。贈都督僉事。謚忠壯。有司為立祠。春其先建州人。世官廣寧衛指揮使。春承廕以功進署都指揮僉事。歷遼陽副總兵。四十一年五月。東部王果導賊分道入寇。春帥游擊徐維忠等禦之。身自搏戰。殺數十人。賊

案資伏遁帝大喜進春三秋頃之賊掠湯站堡春引
兵逆擊乘勝逐之陷伏中賊知其曉將圍之數重春
與把總田耕等力戰二晝夜援師不至竟死之贈都
督同知謚與冕同他卹與如故事耕亦被卹春子雲
龍至副總兵

陳鳳榆林人嘉靖中以世廕歷官署都指揮僉事充
延綏副總兵二十八年進署都督僉事代周尚文為
大同總兵官九月俺荅以三萬騎犯宣府總兵官趙
國忠相持于沙嶺堡賊大營遷次而西直抵寧武鳳
伺賊將退率副總兵林椿游擊焦澤張騰等合兵追

至鷄兒嶺賊伏發諸將力戰彌日各被創會大風雲
歟衆還營明日復戰斬其一酋賊乃遁鳳坐失事奪
久之以荐起周原遊擊將軍三十二年七月俺答把
都兒擁衆寇大同下渾源來犯靈丘廣昌長驅抵浮
圖峪關南大震鳳與寧夏游擊朱玉率師來援時賊
前鋒已有越峪而南者鳳等夾擊之賊馳去疾呼及
峪守者為其食二人奔呼曰稍緩恐失賊俟旋軍飽
食耳策馬竟去及賊于三家村大戰移日殺傷相當
詰朝賊欲北遁慮二人躡其後乃以驍騎綴鳳等軍
而分道疾馳塞帝聞大喜立擢二人署都督僉事賜

齊有加尋進鳳延綏副總兵三十五年賊掠茂州鳳
督軍擊敗之明年三月賊寇長樂堡鳳率次子守義
督兵逆賊賊衆不敵鳳戰死守義亦被創事聞贈鳳
左都督立祠致祭增世廕三等守義擢都指揮僉事
李光啓宣府叅將也嘉靖三十四年四月賊犯青邊
口光啓整軍禦之兵敗被執攜至墩下索金帛為贖
光啓瞋目大罵賊怒創殺之指揮黃添祥尚真蔡隆
等咸遇害詔贈光啓署都督僉事賜謚節愍廕子世
千戶有司立祠奉祀添祥等亦予贈卹配食光啓祠
自塞上多事諸將殞身戰陣者廟堂必贈官廕子立

祠賜祭葬或錫以美錢典至優渥故一時封疆之臣
亦多効死報國薊鎮則有趙傾葵蔣承勛宣府則有
李彬張鉉大同則有王茶崔世榮山西則有丁瑋周
于傾葵廣寧衛人襲職指揮僉事歷薊鎮叅將三十
四年二月賊千餘騎犯馬蘭峪傾葵督軍往禦軍潰
與指揮褚文明李湘周官千戶黃世勛段啟元百戶
孫世壽等俱力戰死總兵官周益昌聞警督將士馳
援分據諸隘賊不意大兵至遂引去餘衆不及出者
多棄馬緣山陞走獲遺賊二十餘人馬四百餘匹而
還事聞贈傾葵都督同知謚忠壯承勛義州衛人世

襲指揮同知果遷副總兵分守永平三十六年三月
犯都兒擁衆數萬入掠遷安諸縣承勦力戰死之越
二日賊始出境總督王忬以下俱獲罪承勦贈卹如
制彬宣府泰將紘游擊將軍也二十三年賊入膳房
堡彬力戰陣沒又十二年而賊三萬騎犯黃土梁紘
率兵千餘迎戰一軍盡沒二人賜諡並同領奏恭以
指揮僉事典大同奇兵營三十一年春賊以二千餘
騎入掠恭率兵禦于平川墩勢孤援絕陷陣死世榮
為大同泰將四十五年冬賊衆千餘犯威遠衛世榮
引軍二百禦之遇于樊皮嶺戰不利賊獲並兵圍之

世榮鏖戰移時與二子大朝大賓俱死璋初為宣府
叅將十九年賊入山西副總兵魏慶得罪權璋代之
明年秋賊復犯寧武聞石湖嶺璋兵出禦遇賊大戰
死馬子以都指揮禦賊亦戰死自恭以下並贈卹有
差此皆死事較著者故類列于篇

李梅大同人嘉靖中嗣世職累官署都指揮僉事充
大同遊擊將軍二十八年賊犯宣府從總兵周尚文
赴救連破之進秩一等已調延綏叅將三十一年就
權副總兵明年三月賊犯雙山堡梅出兵禦之見賊
勢盛激厲將士鼓勇而前兵敗死馬詔贈左都督賜

謚忠愍廕子立祠如制是時言囊諸子居河套勢盛
強而朝議方急薊州歲發延兵往戍以故士馬益弱
輒至覆軍殺將梅之後諸將以死事聞者有叅將楊
璘魯聰副總兵黃演三十四年十二月賊犯神木璘
率弟珣及從子州將兵迎擊遇于胡家塢挺身陷陣
中流矢死四十四年九月賊入遼聰率指揮權世爵
往禦衆少不敵力戰死其明年冬賊犯小芹河鋒銳
甚演血戰力屈死之事聞並贈都督同知廕子立祠
如梅云與演同歲死事者又有固原總兵官郭江榆
林人累官都督僉事率指揮李大木等禦賊于定邊

營遇之暗門軍敗俱死副總兵時鑒引兵來救為賊所執士馬失亡殆盡江及大本贈卹有差

楊照字明遠副職為前屯衛指揮使嘉靖中以功進署都指揮僉事充遼東游擊將軍嘗與叅將李廣追賊出獅子口有功進古北口叅將密雲副總兵三十年進署都督僉事為遼東總兵官甯涖鎮賊入犯副總兵劉岳遊擊李尚文禦之斬獲二百餘級照亦受賚其冬寇復大舉犯清河照與岳等分道出擊大敗之獲首功八百有奇賊棄輜重狼狽出塞時兩部諸酋亦擁衆窺瀋陽伺官軍既東乘間深入大掠照

等聞變馳赴賊始引去事聞停俸三十九年冠五萬
餘騎攻陷廣寧中前所肆殺掠貶秩二等先是清河
之捷一時號為奇功值嚴嵩當國武人率用賄得官
照既無資行賄而嵩又方怒總督王忬故抑其功不
叙久之始進都督同知其冬寇自東勝堡南趨耀州
轉掠海蓋殺掠六千餘人照督諸軍禦之前鋒指揮
赤元勲先進夜襲敵營斬首五十級獲馬百六十匹
元勲死馬寇亦引退事聞詔恤元勲議諸將罪明年
照與巡撫侯汝諒相失互訐于朝為給事中王鶴所
劾並解職又明年用薦以為事官暫充遼東副總兵

四十二年寇犯遼陽照引兵遮擊于清河寇敗遁未
幾復犯長安堡照設伏待之而逸其前斬首七十五
級予賁授署職賊深入海金諸衛殺掠幾二萬人總
兵官吳璘不能禦詔罷璘以照代八月寇聚衆廣寧
塞外謀入犯照率遊擊練補袞卻得功等由鎮夷堡
分道掩之照夜行失道去塞六十里天明為寇所覺
麾衆圍之照力戰中天死補袞等馳至搏戰斬首二
百二十餘級乃引去補袞等以照屍還帝以其失主
將皆奪官而嘉照死事贈少保左都督廕于世指揮
周知賜謚立祠照忠勇負氣撫士有恩以敢戰知名

當罪廢家居屬時政汙濁自分永棄及嚴氏敗朝廷
以宿望起之照由是感激泣盡忠報國四字于背誓
以死自効起官數月間屢戰皆捷竟殞于陣踰年而
補袞亦死事補袞起世職寧遠衛指揮既失官旋以
荐還故任改寧遠叅將而三河守併楊維藩代為廣
寧遊擊四十四年三月賊犯小團山補袞擊却之進
至黃土臺賊大至圍之數周補袞與維藩鏖戰良久
維藩力屈死補袞手殺數人面中二矢鏃出腦後猶
突圍還營數日而殞維藩照叔父也結髮從父都督
鎮于行間屢効首功積官指揮食寧遠照陣亡誓滅

賊雪耻竟死王事招贈補衮維藩並都督僉事立祠
賜祭子襲職增三秩

王治道錦州衛人嘉靖間由世廕歷薊州泰將四十
五年擢遼東副總兵未幾進署都督僉事為總兵官
九月寇犯錦州泰將趙完力戰却之治道以調度功
受賚隆慶元年寇將犯廣寧駐兵白雲山治道率師
赴之斬首九十以招還被掠千有餘人進一秩有降
夷黃勇者叛出塞盡以中國虛實告達把孩導之入
寇遼東歲受其惠是年四月開馬市達把孩部落有
詭稱朵顏人闖入者治道等掩捕得三百七十五人

使人謂速把孩請易勇于是縛勇來獻諸將以勇黨
七人未獲請及此要之乃留十七人不遣速把孩怒
數遣輕騎入掠諸將輒敗之六月寇少騎入犯而伏
三千人塞外裨將王世祿易之乘勝追擊遇伏為所
敗治道救之乃得還亡將卒七十餘人無何土蠻昆
都力大入薊東攻界嶺口七路守將無禦之者遂躡
昌黎撫寧樂亭盧龍總兵官李世忠被圍于李莊游
騎至灤河京師震動治道急率兵入援速東巡撫魏
學曾亦入駐山海關遣叅將李成梁將擊却得與治
道合擊之寇遂回義院出適天大霧迷失道昆都力

之衆墜棒柱崖死諸軍爭取其首報功至七百二十
餘級帝初聞警欲重罪薊鎮諸將吏至是以斬獲多
乃錫總督劉燾二秩點巡撫耿隨卿爲民世志遠戍
而進治道署都督同知明年寇犯太康諸堡擊却之
已又犯丁字堡將士禦之無功三年賊首張擺失等
擁衆近遠剽總兵戚繼大破之斬擺失治道亦受賚
未幾賊窺邊治道出塞擊之獲首功七十再以招徠
功進世廕各一等當是時遼土荒殘武備積廢治道
興學習銳意振飭自廣寧海州迄遼陽瀋陽塙堡埽
埃整繕一新寇入輒被創威名甚著治道恃勇輕敵

不甚虞患明年九月薊鎮有警率所部四千人赴援
苗阜愛卜言兀等乘機犯錦州大勝堡巡撫李秋道
按部義州聞之遣使馳告治道治道即自山海關馳
歸會秋于錦州請出戰秋曰千里趨利兵法所忌將
軍其少休質明錦義叅將却得功來謁治道庭數之
曰汝尚得為人耶新聞府至汝擁兵不戰見謂為怯
不愧死耶得功驍將聞之愠甚不謝而出據挾槩上
馬逐賊治道亦起上馬一軍不知所之獨十餘騎從
將賊伏兵齊家山治道悞入其中皆殊死戰賊稍却既
知無援遂圍之矢且盡得功聞砲聲曰大軍不遠可

清園士盡銳奪園馬忽蹶治道馬亦蹶得功急下馬
扶治道賊攢射之皆死事聞贈治道少保左都督謚
忠愍進世職三級得功贈都督同知進世職二級有
司並為立祠得功廣寧衛人世為指揮僉事父傑嗣
職禦賊于花兒營力戰死之二弟賓寶諸子得臣得
君得恩及從群數人皆戰死其妻並守節不嫁至是
得功獲死王事時論多之

論曰明世禦戎惟恃塙堡九遠萬里列校分屯戍卒
多不過千百人總兵官名為統攝而權歸文吏與偏
裨無甚大異冠入常擁數十萬騎以來衆寡強弱勢

甚難絕而又去來飄忽奔馳勞擾以故往往為敵所
未將吏嬰鋒騎首就死嘉靖中李禍且酷烈矣如張
世忠以下諸人是也然而戮力疆場義不旋踵捐軀
死事之勤亦烏可沒耶廬而著之所以示勸也

明史卷三百一

列傳一百五十二

邵清

毛憲

王鑾

鍾善經

梁煒鄭一初周鳳鳴父倫

謝汝儀

蕭鳴鳳高公韶葉應騏黃田

王漸達

李元陽項喬

王與齡

周鈇洪垣方懷

徐中羅虞臣

張謙唐侃林性之

王問于繼

王毅祥區蓋張澤

邵清字士廉江寧人生三歲母疾革置諸別室哭不已謂家人曰吾母且死奈何不令一視聞者哀之弘

治中以卿舉授德化教諭滿九載提學副使邵寶巡撫都御史林俊薦其賢授山西道御史出監蘆溝橋材木痛革風弊司禮中官蕭敬陳寬有所屬執不從正德初改巡長蘆鹽課長蘆去京師近諸奸人牟利者倚權貴為窟穴清悉按治無所貸纖造中官崔果等請給餘鹽清又力持之以是積與中官忤馬永成家奴遂共諸奸人行金劉瑾而令滄州民吳奉安奏清故入其父罪瑾矯詔逮至闕下杖之削籍去又假他事兩罰米輸塞下家盡罄瑾敗諸忤瑾者皆起官清以永成猶在事獨不起嘉靖二年用荐除雲南僉

事久之大計當調遂歸家不出吏部尚書方獻夫知
清賢以故官調廣西居三年致仕歸無室廬依外氏
以居日中或未舉火御史林有孚嘗訪之笑語移時
無茗具可設歎息而去年八十遇病謂其子曰為已
謹獨甚難我平生不敢晏逸惟我自知之又曰兢兢
業業至茲棺無過心始釋耳遂卒

毛憲字式之武進人正德六年進士授刑科給事中
同官賈明以言事下吏憲疏救不報都御史竄果繫
賊大城敗績憲請執果付法司果多內援第令戴罪
憲尋引疾歸九年補兵科劾戶部侍郎楊潭都御史

任漢俞諫不職帝弗納時邊軍勞苦百倍京軍守墩者又時遇害然京軍恒被賜賚而邊軍月餉乃有五年不給者即給之又為將領侵剋軍坐重用憲指勅所司及時賦散墩軍望諫被殺者恤其孤養詔可奉使湖南見民廬潭溺流離死亡馳疏請帝憂勤以保天命忤旨停俸進禮科右給事中奏言弘治以前太倉之積可支數年邇者入不副出而冗官冗兵冗匠耗費無紀乞盡行釐革不聽帝再出巡邊至榆林留卒歲憲偕同官屢諫并乞早建皇儲皆不報嘉靖初致仕憲性孝以祿弗逮養終身不御簾味為人教

行誼矜名節既歸知府陳賈建書院居之憲讓不敢
以宋儒楊時寄仕其地題為道南祠祀之日與同志
講肄其中其學主不欺以敦義為要學者多誦習焉
年七十七卒

王鑾字廷和。大庾人。正德三年進士。知邵武縣。入為
都水司主事。出轄徐沛。沛河十一年。織造中官吏宣
道經其地。索輓夫千人。沛縣知縣胡守約給其半。予
傭錢。宣怒。自主縣捕吏。吏民駭散。坐助守約。與抗。宣
遂誣奏于朝。逮繫詔獄。以言官諭救。輸贖還職。守約
為民已分司。南旺有奸人樊麟者。倚廖鵬勢詐稱勅。

使馳驛往逗東南諸府莫敢誰何奎廉知其偽搜獲
贓賄鉅萬送京師伏誅人心快焉歷部中所有餘羨
悉歸之公權俸冑吏者駸正之嘉靖初出為武昌知
府指揮劉良等使官糧萬七千石釐而實諸理鎮守
中官李素儒歲進魚鮓多科率奎疏請罷之詔戒素
儒毋擾歲貢如故楚府征茶稅商重困奎捐稅當歸
官據故事力爭楚王怒摘其文牒中語謂毀辱親王
奎遂請終養不待報竟歸再遭喪服除赴吏部部追
論其擅離職守奪官奎為人剛廉不畏強禦不恤利
害遇權要必與之抗人以為難

鍾善經字理夫廣東順德人正德六年進士授興化
推官決獄明允奸人楊日新詐為京朝官入境僚屬
率加禮善經覺其偽立縛治之鎮守太監崔安使人
就執府吏善經曰府吏即有罪府官治之耳勅使何
得自執人卒持不予以廉能徵為御史武宗北巡與
同官屢疏切諫嘉靖初錦衣千戶陶淳事多違縱善
經奏發之給事中劉最以劾中官崔文謫外善經與
給事中鄭自璧抗章論救且劾文不納尋侍養歸杜
門奉親不入公府親喪百日不進鹽酪居倚廬三年
不御酒肉裘服未嘗去體既除喪猶稱病不赴官八

年冬詔京朝官病踰三年者甘落職閒住善經遂見放
卒之日有司致賻始克歛

梁焯字日亨南海人正德六年進士授行人請告歸
謁王守仁于贛州遂受學焉還朝遷禮部主客主事
偕同官諫帝南巡跪闕下受杖已帝駐蹕南京佛郎
機使臣入貢賄江彬彬導以見帝帝喜留之凡至京
師入四夷館不肯跪焯怒執而杖之上嘗番使臣寫
亦虎仙及甥米黑兒馬黑麻先常誣陷甘肅巡撫李
昆等後亦由彬見帝帝顧之厚或從乘與與餞御膳
同侍臣卧起以是卑侮朝官焯獨約之以法二人相

謂曰天顏可犯王事顧不可犯耶彬聞之怒將害焯
會帝崩而止世宗嗣位最先朝直臣增俸一秩尋遷
職方員外郎謁告歸養卒焯性剛直朋友少有過必
面斥之霍輜與焯同年最重焯嘗曰吾與日孚外甚
拂而中甚信每經焯墓必祭之同時揭陽鄭一初字
朝朔幼以高節自負弘治末舉進士謝病歸人有持
千金求居間者一初曰名義至重鬼神難欺吾豈能
知若事正德七年授御史會守仁以吏部郎講學京
師一初受業不急時已病或勸少休曰朝聞道夕死
可矣請急歸卒于道

周鳳鳴字子岐崑山人父倫弘治中進士由御史累官南京刑部尚書以謹厚稱卒贈太子少保謚康僖鳳鳴舉正德九年進士授刑部主事凡主事初任必提牢鳳鳴令案獄室桎梏皆除之時其飲食諸囚感悅又手料獄中事宜懲者遵守馬移疾歸嘉靖二年歷郎中出勘宸濠逆案無縱濫鳳鳴在刑曹久決疑剖滯常冠諸司尚書李承勛以廣東司轄錦衣難任特以委之鳳鳴執守無撓旗校肅然承勛遷兵部存調職方都督馬永有將材坐事屏棄及廷推遣將鳳鳴舉永或難之鳳鳴曰才不可廢也即獲譴職方自

受之不以累諸公永竟見用果有功帝命惠安伯張
偉提督團營豐城侯李旻佐之旻以侯當先伯奏請
更勅章下兵部鳳鳴曰侯先伯者將也若上所命職
疇敢抗之乃止職方事繁一歲中疏百餘上悉協機
宜嘗繪九邊圖以獻欲帝知邊隅要害不以承平忘
戒併承勛每語人曰職方得周郎吾可坐嘯矣九年
擢大理左寺丞星變應詔陳兵食水利諸事多報允
明年司禮中貴張佐奉命錄囚驕倨甚法曹長二唯
諾惟謹鳳鳴獨侃侃無所阿大學士張孚敬吏部尚
書汪鑑方得君並以氣勢凌人鳳鳴不少屈十二年

秋鳳鳴者奇事。讞上獄。因減御史馮恩死。恩故以劾
承敎銓論死者。爭救。遂激帝怒。號鳳鳴。官僚屬亦貶。
秋鳳鳴為人孝友。居官勵廉隅。盛有時望。乃無罪去。
國士論駿馬。自是存者不絕。竟不復召。

謝汝儀字國正。鄞人。高祖矩好學。有至行。鄉人稱孝。
義先生矩兄。員由諸生。謫臨洮衛吏。以詩鳴。同時解
繆滿若水亦謫吏。隴右人號吏中三傑。汝儀登正德
九年進士。除餘干知縣。民俗好訟。汝儀聽讞。明決。訟
為之衰。中官督磁器。饒州求索無厭。長吏每遭辱。獨
于汝儀不敢肆。禁僣倡。雜戲。雖上官召。亦拒弗應。以

憂歸嘉靖初召為御史疏劾外戚陳萬年驕橫及中
官王堂時春之奸印馬宗幾條上馬政九事積弊為
清奸黨何明王欽等將棄市忽詔停刑廷臣諫止織
造帝不從汝儀皆抗疏力爭出按廣西值岑猛之變
協總督姚鏌討平之五年夏有旨召中官谷大用御
史喬祺爭之不納與王堂後先委任汝儀請亟斥堂
大用而召還祺禮諸臣出為廣東僉事與討大盜曾
蛇仔有功移福建擒劇賊李良武表名儒周瑛陳真
歲為立祠置田進副使分巡海道攝按察使事初漳
州民陳大洲等二十六人販米至晉江邏者見舟中

防械指為海寇捕下獄其六人已死而莆田民彭仰
亨等亦被誣殺人汝儀皆辨出之巡按御史虞守愚
嘉其能請優其擢遂遷雲南叅政旋擢江西按察使
汝儀幼鞠于祖母孝養備至至是過家省覲遇祖母
喪哀毀致疾卒

蕭鳴鳳字子雅浙江山陰人少從王守仁游舉鄉試
第一正德九年成進士授御史副使胡世寧下獄抗
章救之同官內江高公韶劾王瓊險愎誤邊計如松
潘副將吳坤請增設總兵于成都瓊納賄即以坤任
之花當本我屬衛所日肆憑陵良由本兵非人致小

醜輕中國璣怒奏許公韶中旨責公韶陰結外蕃交通間謀令首實鳴鳳上疏曰公韶所劾者璣而其所論者天下之事所守者諫官之職為璣者宜虛己以受杜門引罪不當逞忿恣辨巧辭詆飾以符諫官之口幸大臣之度也望陛下勅璣自新恕公韶枉直則全璣名節多矣倘公韶因璣獲罪璣豈能醜然自安乎位哉璣素通嬖倖取中旨責鳴鳳索庀而誦公韶富民典史鳴鳳又劾江彬恃寵恣肆蔓將難圖士論壯之尋巡視山海諸關武宗將出塞捕虎總兵而下競苛歛為儲傅鳴鳳疏言陛下不當賤民命而貴

異物玩細娛而忘遠圖因其陳官司梧魁兵民疾苦
狀不報行部黃花鎮閘倉儲多雜苴礫且侵漁累鉅
萬即按治守者罪司禮溫祥使使為言并執治之初
權貴冒奪首功前御史多為著籍鳴鳳悉覈實更正
引疾歸踰年起督南畿學政取士先德行後文藝梅
諭懇摯諸生感悅以此前御史陳選稱之曰陳泰山
蕭北斗嘉靖初遷河南副使仍督學政臨穎賈詠在
內閣以故怨欲陷其鄉谷生鳴鳳不聽以行法過屬
召謗考察拾遺為書官所劾吏部惜其學行調為湖
廣兵備副使明年獲改廣東督學政鳴鳳三督學政

廉介無私然發性剛狠憤舉廢知府鄭漳積忤已捷
之慙恚授勅去勢舉物論益詳八年考察兩京言官
交章論坐謫調已而與漳各上疏自理互相敦詒又
坐廣東時建敬一亭急緩付下巡按御史逮治鳴鳳
自是遂不出公韶舉弘治末進士正德中為御史按
廣東劾總兵官郭勛罪及朵顏花當入寇又劾總兵
官遂安伯陳璘中官王欣巡撫王倬鑣坐解職世宗
立起謫籍歷右副都御史巡撫江西終戶部右侍郎
葉愿監宇肅卿鄞人正德十二年進士授刑部主事
偕同官諫南巡命跪闕下五日杖之三十嘉靖初歷

即中興廷臣伏闕爭大禮再下獄廷杖給事中潮陽
陳浣素無賴家居與知縣宋元翰不相能令其子訐
元翰謫戍元翰乃遷浣罪及惟簿事刊布之名曰辦
冤錄浣由是不齒于清議吏部尚書喬宇出之為湖
廣僉事浣初嘗言獻帝不可稱皇而是時席書張璁
桂萼方獻夫霍韜驟以議禮蒙帝眷浣念非反前說
不足以自救乃上疏極言璁等議是宜急去本生之
稱以全尊親大禮因詔紙字及文選部夏良勝而稱
引其黨前給事中奇桂闕閤史道前御史曹嘉帝得
疏喜即遷浣等職而謫良勝于外浣既得志益無顧憚

遂劾大學士齊宏尚書金獻民趙鑑侍郎吳一鵬朱希周汪偉郎中余才劉天民員外郎薛憲給事中鄭一鵬悉指為邪黨而荐廖紀等十五人俄又劾吏部尚書楊旦等帝益大喜而璉等輩遂引為黨藉以搏擊異己舉朝惡之六科給事中趙漢十三道御史朱衣等交章劾洗而御史張曰翰戴金藍田又特疏論之田并劾席書且封上元翰辨冤錄都御史王時中請罷洗還籍聽勘洗奏群奸恨臣抗議大禮將令撫按殺臣請遣一錦衣往洗意錦衣可利誘也得旨遣刑部郎俗錦衣千戶李經行于是應聽承命典經焚

香誓天至則會御史熊蘭涂相等雜治具得洗罪狀
乃上奏曰洗貪穢無恥有鳥獸行漁獵婚姻侵牟財
產縱妻淫泆教子殺人陰蓄死徒劫殺行旅交通劇
盜魯鉅頭弋取其資元翰破賊巢得洗手寄洗懼乃
令子柱誣元翰反嫁以罪臣勘其事多至百七十二
條除赦前及曖昧者勿論當論者尚一十三條罪盈
惡極宜斬妻離異子柱絞洗懼亡詣闕申訴帝持應
驄奏不下尚書趙鑑副都御史張潤給事中解一貫御
史鄭本公等連章執奏帝不得已始命覆覈却中黃
綰力持應鑑撰書等數為居間不能得等書鑑于朝

又要總共奏請沈議禮臣也宜為法官所中帝入其
言命免罪為民表理鄉場沐及鑑一貫更爭之不聽
未幾大禮害成錄功并原沈妻子應驄尋遷吉安知
府以母喪歸六年總等益用事而等方掌刑部廷臣
馬錄等以劾郭勛下獄沈謂乘此故案可反也遣人
通于等而上書自辨訐應驄等等因為沈訟寃遂逮
沈應驄元翰給而令按察使張祐等還籍俟命詞所
逮及無慮四百人此至九卿及錦衣衛廷訊應驄懷
慨對曰其所持者王章耳必欲直沈惟諸公命刑部
尚書胡世寧等心知沈罪重而懲前大獄不敢執會

是日黃霧四塞獄弗竟次日欲大風拔木有詔修省
勿用刑乃當應驄按事不實律為民元輸綰及田等
貶斥有差洗竟得授冠帶霍韜欲援洗再跪為洗訟
不能得洗益憾應驄十年更令人奏應驄勘獄時酷
刑殺無辜二十六人下巡撫御史李美覆勘美言死
者皆有狀非故殺刑部尚書許瓚白應驄無罪帝終
謂洗以議禮犯衆怒特簡應驄戍遼東是獄也始終
八載凡攻洗與治洗獄者無不得罪由是天下惡焉
革奸橫益羞言議禮者臣矣應驄赴戍所道經蘄州
知府其同年治具候之立解維去追送不及致餽

竟不受其介。此十六年遇赦歸。又二年明堂大享
禮成。獲冠帶。應驛。發行。誼好著書。數更患難。慷慨至
老不衰。予萬景萬曆初進士。終永州知府。館息人應
驄。同年進士。除部主事。諫南巡。被杖。歷部中任。法
不阿。出為紹興知府。以寬大簡靜。為治。被徵。時士民
哭聲振野。爭致贐。給止取其二錢。餘悉不受。至京下
詔獄。瘐死。隆慶初。贈太常少卿。田卽墨人。嘉靖二年
進士。常爭大禮。被杖。張總掌都察院。考察其屬。落職
歸。

王漸遠字用儀。番禺人家。貧。母令漸遠廢書治生產。

漸達晚而泣乞力學代耕諸長老復為之請母乃許
漸達篤志吟誦常兩夜不休甫冠舉正德十二年進
士大學士梁儲其鄉人也欲用為庶吉士漸達力辭
謂告歸娶及除刑部主事以母不能就養遽請急還
杜門讀書深思而身體之常曰學以為功名乎抑資
聞見乎二者執轍不同其無得于道一也漸達既家
居久而朝議謂告踰三年者皆落職漸達遂見廢卜
居蘿嶂山時雜賦獲樹藝自給斤斤以禮讓率子弟
令族人聯師教之軍進祖祠修繕牒立宗法定祭儀
踰年而芝生祠嘉靖十四年用言官荐起故官明

年漸遠以時事日非上疏曰陛下聰明睿知高出前
代然踐祚十餘年矣而治效未臻其故可知也寬恤
有詔興除有詔而有司率格不行此外吏負陛下也
大臣互相營私不為當宁分憂互相排黨莫肯同心
匡贊或鄙淺罔所建明或承恩旋即相背此朝臣負
陛下也夫陛下有真純之志而臣下飾之以欺有躬
行之實而臣下應之以文有精銳之功而臣下持之
以慢有廣大之體而臣下視之以為迂如是而欲贊
揚聖化其可得乎因條列五事詞皆剴切帝留中不
下而大臣深惡之漸遠遂引疾乞休吏部尚書許讚

遣其屬喻意曰少需之當易子之服漸逵謝曰志不行矣進秩何為會所知有置酒邀漸逵者大學士夏言聞之語讚曰王生方稱疾乃就人飲非欺君耶言故漸逵同年生及言生日饗客漸逵又不赴言益怒已漸逵再疏引疾遂奪其官及平穆宗贈光祿少卿李元陽字仁甫大理人嘉靖五年進士選庶吉士改分宜知縣甫蒞官遭喪民用故事里出銀布以贖悉却之起補江陰有異政稍遷戶部主事與諸名士唐順之王慎中陳東隱應峻李開先任瀚熊過相切劘為詩古文吏部侍郎霍韜器之改授御史常上疏乞

修人事以稱民意。未嘗陛下始即位以爵祿得君子
通年以來以爵祿得小人。大臣見而惡之。出按福建
當國者手書數人名屬元陽論荐。此至察其人。甘貧
墨乃悉劾之。還朝。偕同官劉仕賢等諫南巡。帝怒。將
予杖。衆皇懼。不能寐。元陽獨新寢達旦。已扈駕。幸承
天。聞憂言。所選官僚多富室。具疏劾奏。中官匿不上
言。怒出為荊州知府。舊堤圯。七州縣皆患水。巡撫顧
璘發庫金八萬兩。責之司水利者。迄無成績。元陽身
任之。再期而成。中官扈跸。官葬顯陵者。所至凌辱。長
吏獨不敢犯。元陽奔父喪。一府皆垂涕。遂立祠祀。

馬卒年八十餘

項喬字遠之永嘉人嘉靖八年進士授南京工部主事召改兵部進員外郎時解舍火選籍悉燬喬力搜輯條格復完以不樂北土乞改南京乃遷禮部郎中南京太廟災或欲委罪典守者喬曰上天示警奈何歸罪小人衆建其言出為撫州知府改河間時北寇憑陵或議立營堡于猷青諸縣喬策寇必不至請毋勞民議遂罷遷湖廣副使府縣貪黷者撫按欲庇之喬不可並得黜楚府興土木煩擾公私喬上書切諫主為減止先建兵部武選司交通內府供事者私作

御寶盜黃冊更易武職冒襲者三十八人事發帝震怒盡抵先後卸官二十二人罪為謫福寧州同知再遷福建僉事劇賊莆欽古等久為亂督兵討平之南贛巡撫龔輝上喬功第一資銀幣歷大名兵備副使河間人王聯銓許都御史胡纘宗而喬前知河間素不善聯銓銜之并入喬名連下詔撤事白還任俄遷廣東左叅政撫定大羅徭花嶺博羅羅浮逋寇數百人按部至韶州卒吏民哀悼若喪所親喬自為諸生即淹通群籍敦行不急動有準繩其舉進士張亨欽為座主又同縣人素重喬屢欲拔置筆要喬皆不應

而五上書勸其禮賢下士審行藏進退之宜徐階佐吏部喬方揭選階延之上座意極傾倒喬退疏時賢五十人謝之居官視民如子釐公事若家事志槩磊落海內士大夫莫不稱為君子

王與齡字受甫鄉寧人嘉靖八年進士授蘄州推官入為戶部主事調吏部進員外郎與齡少受業安陽崔銑初登第時與吉水羅洪先武進唐順之平涼趙時春友善及是與安福鄒守並華亭徐階俱講學京師士論鄉焉二十一年遷文選郎中銑意以澄清銓叙為事抑於銓杜請謁所推薦皆廉靖老成大學士

程鑾為禮部主事張惟一求改吏部嚴嵩為監生錢
可教求選東陽知縣俱以書抵與齡與齡乃偕員外
祁吳伯亨主事李大魁周鈇白之尚書許讚具疏以
聞且言平時屬報甚多臣等違抗積罪如山非賴聖
明覆庇則二權奸主于中群鷹犬和于外臣等不為
前選部王嘉賓之所得為近日御史謝瑜之罷幸矣
疏入臺嵩頗懼引罪自理臺言惟一資望應遽嵩抵
無致書事請速可教訊治因言聖明日覽奏章凡革
弊釐奸悉由宸斷而讚等妄意臣等為之故借以修
怨然讚素柔良與臣無隙豈解為此茅受制所屬不

獲自由耳是時帝方信嵩又見疏中引嘉賓瑜事遂
發怒切責攢除與齡名伯亨等俱調外給事中周怡
論之廷杖繫獄十三道御史徐宗魯等亦以為言皆
奪俸自是諸司以與齡為戒無復敢與嵩抗賊吏債
帥充溢中外率論皆得官計日取權矣與齡既罷錦
衣遣使偵其裝襮被外無長物其人亦稱歎不置里
居角巾躬稼園翫然自得郡人為作平陽四賢詩美
之四賢者尚書韓文陶琰張潤及與齡也閱二十餘
年卒

周鈇字汝威榆次人嘉靖五年進士授行人擢御史

監視十庫嚴杜侵蝕巨璫欽手巡按陝西懲貪祛惡
聲震三秦時被俘之民自塞外逃歸者遣將率殺以
冒功缺請下詔嚴禁有報降五人以上者賞之詔可
安南議起缺言軍餉未充不宜勞師遠涉再按山東
會吏部推擇宮僚以缺文行高特改右春坊清紀郎
兼翰林院侍 謝病歸尋起故官二十一年俺荅將
入寇總督侍郎程鵬以聞缺以邊臣告警而中樞初
無籌策請早為之計帝以為浮詞亂政責降廬州府
知事旋改國子監丞擢吏部文選主事坐與郎中王
典齡發嚴嵩等私屬事貶河間通判已而吏部擬擢

南京吏部主事嵩言鈇調官甫四月不得驟遷帝怒
詰責尚書許讚等令錄左降官遷擢者姓名讚引罪
并列陳叔順等十六人以聞詔奪讚等俸錫文選郎
鄭曉三級鈇與叔順等褫職為民鈇既雅操清修及
里居出入徒步蕭然若布衣益知名海內廷臣多論
荐而以嵩在位不復召終于家穆宗初贈光祿少卿
洪垣字峻之婺源人嘉靖十一年進士時禮部侍郎
湛若水講學京師垣受業其門授永康知縣課最徵
授御史視饑兩淮請蠲餘鹽積逋銀百二十萬清核
泰州民田與竈戶相錯者使無欺冒得粟千餘石十

八年世宗南巡冊立皇太子命閣臣夏言顏昂臣選
宮僚多未滿人望垣再疏言溫仁和張衍慶薛倫胡
守中屠應埃華察胡經史際白悅臬甬濤等皆庸流
不可使輔導青宮而帝亦已從他諫言官廢黜者數
人未幾劾文選郎中黃禎先賄選郎楊育秀得為考
功及居文選貪婪欺罔知州王顥祖等考察調簡而
補大州知縣何瑚年過六十而選御史皆非制且言
今當大計京官考功郎乃妙選而禎乃以猥瑣之曹
世盛補之悞國孰甚帝下其章都察院令會吏科叅
覈良信乃下禎詔獄及育秀顥祖等咸斥為民因詰

責吏部尚書訐劄都御史王廷相皆引罪乃宥之而
令十三道御史公舉隱年貢進若瑚者于是御史王
之臣等坐調者四人世盛亦改他曹垣一疏而御史
曹即以下得罪者至二十餘人人情為聲明年出按
廣東以安南款附增俸一級未幾出為溫州知府會
歲將饑垣勸諭士民出粟賑貸有閉糴不發者饑民
噪而殺之垣坐落職歸復與同里方瓘從若水若水
為建二沙樓居之家食四十餘年日與學者講習年
幾九十而卒瓘與諸生厭科舉之學絕意仕進專以
求道為務生平篤行誼自廣東還同行友罹瘴死舟

中例不載屍殯乃秘不以告與同寢累日至韶州始
發之人皆歎異若水高第弟子又有垣同年生呂懷
廣信永豐人由廩吉士授兵科給事中改春坊左司
直郎歷右中允掌南京翰林院事每言王氏之良知
與湛先生體認天理同旨其要止在變化氣質因作
心統圖說以明之終南京太僕少卿

徐中孚周翰崑山人嘉靖初由鄉舉除新水知縣數
軍民田俾靳黃諸軍免逋稅不得影射即英山羅田
寄置莊戶素煩橫弗率者至是亦輸賦無數後改知
上饒境有銅鉄二山奸民時開採滋患前有司因緣

為利率弗禁申至力遏之俗佞神喜訟申迪以教化
俗為之變用廉能徵授刑部主事錄囚畿內平反為
多冬月提牢憫囚寒疫時加資給囚深德之此當代
相率諄于獄請更留三月建昌侯張延齡者昭聖太
后弟也坐罪繫獄世宗必欲殺之中屢奏記尚書聶
賢唐龍謂太后春秋高即延齡旦暮致辟何以慰太
后心宜援議責議親力請于帝賢等深然之故獄久
不決始延齡下獄提牢主事沈椿以戚畹故不令入
重獄置之別所繼者益寬假之脫其桎梏通家人出
入而會大猾劉東山亦有罪繫獄上變告延齡有不

執謀憾前主事羅虞臣嘗言已因行紙訴并及椿等
帝震怒盡執先後提牢主事三十七人付詔獄拷掠
申與馬獄具常輸贖還職帝命杖之廷盡謫外任而
斥虞臣為民虞臣廣東順德人由進士歷吏部主事
有俊才好剛疾惡既歸結廬山中讀書纂述卒年三
十有五士論惜之中亦不赴所謫官歸與同里魏校
方鳳華優游嘯咏為樂嘗語人曰天下盡貴貴矣吾
未見緩者失也與人緩則避處事緩則中節居官緩
則不隳功名持躬緩則不拂情性因自號緩齋久之卒
曾孫應聘字伯衡少有才名推官龍宗武器之行入

聞與期諸筵將物色焉應聘故與之左他日進辭謝
宗武並重之舉萬曆十一年進士改庶吉士授檢討
郡人有居政府者應聘往謁語多侵禮部尚書沈鯉
鯉應聘鄉試座主也既出告鯉曰古人一辭而退寧
能受物之汶汶哉鯉遂令應聘草疏引疾去二十一
年京察中蜚語當誦拂衣歸性恬淡不樂無仕座主
沈一貫當國數招之不出居家十餘年始起行人司
副遷尚寶司丞故事御史奉使還當詣司繳印有御
史簡傲遣吏持印送私邸應聘却弗納引故事責之
其人惶恐明日躬齎詣司且謝過其持正不苟類此

再遷太僕少卿卒官

張謙字子受慈谿人嘉靖十一年進士授刑部主事
明年奸人董至奏建昌侯張延齡謀不軌下部訊時
帝積惡張太后欲遂城延齡家諸部懼不敢訊率以
計免謙獨慨然任之中官鮑忠密諭謙善治北獄大
理方缺亟可得也否者禍不測謙弗為動坐延齡他
死罪而白其誣帝怒下謙詔獄謫揭陽典史而延齡
竟如所坐謙尋擢建陽知縣量移保定同知遷南京
刑部郎中出為大名知府甫至值歲旱蝗為域征派
緩馬價蠲田租凡事不便民者悉加的劑流亡多來

歸宮婢蘇氏與其儕謀弑帝事覺錦衣官至長垣收
其三族誅止錄親屬付使者保全為多治府三年政
為畿輔冠及遷福建副使去裝齋蕭然屬縣民咸為
立祠福建多海寇謀討擒二百有奇資銀幣旋改廣
西右叅政督府應檟委謀討羅旁賊謀計七小為羅
旁唇齒必先翦之乃出不意直搗其巢斬獲殆盡方
議進兵羅平而邊讒罷官軍民皆泣送後叙功進廣
西按察使致仕居環堵中講道不輟其學得之鄒守
蓋踐履平實以王畿持論過高力規之晚而益虔處
燕室肅若朝廟鄉里多化焉暨卒街巷哭為罷市

唐侃字廷直丹徒人受業同縣丁璣早有志行嘉靖
中由鄉舉授永豐知縣不携妻孥飲食器服有寒士
所最不堪者縣有痘神祠男女禱祀無虛日俗習優
倡又好鬻訟生業益廢侃悉禁之為政懷悌先教化
不用捶撲所設科條民咸遵服不忍欺居數年遂變
其俗擢武定知州章聖梓宮南祔道小東侃承檄供
張德州庖從諸奄校橫甚奴叱諸達官鞭笞州縣同
事者皆逃匿侃橫身當之先置棺空舍中俟諸人索
急佯謂曰第從我受錢何怒為乃引入空舍中指其
棺曰我已辦一死錢終不可得也諸人無如何稍稍

引去始上官所哀民財甚多盡舉付侃意猶慮不贖侃但受半以往及事竣尚有贏貲悉歸之官侃素長者不見聲色至是折伏豪橫精悍吏不及也遷南京刑部員外郎進郎中決獄平允及卒貧無以殮尚書及諸僚賻而歸其喪侃少有篤行年二十時獨居書室有女子夜奔峻拒之旦遂移其處寄道拾遺金守而還馬父坐事被繫侃請代弗得則藉革寢于地憂不惟冬不被如是者竟歲父釋乃已同時林性之字師吾晉江人嘉靖八年進士除鹿水知縣為人惻惻不事鉤距吏民自不敢欺縣故有窰戶以課重舉逃

逆均諸並密居人性之為奏除其額歲當造赤籍以
竄絕告者三十餘家吏為無故減戶且得罪性之竟
減之遷南京戶部主事監龍江倉吏坐粟汜爛當得
罪者衆性之乃盡開諸倉與汜爛者均給之軍曰爾
曹所虧數粒耳而可免諸人罪何不為之吏皆感泣
改北部再監隆慶古北口諸倉時邊儲資商以濟所
司不加恤遂坐困性之去其所不便並直招之商粟
相屬遂用更充羨再遷南京部中卒性之平生守繩
墨尺寸不敢踰時稱長者彭簪宇世望安福人正德
初鄉舉為衡山知縣多惠政民生祠之移常州通判

嘗攝宜興縣事却例供百金或詣為繼者地胥曰後
令賢必不吾咎不然吾安為預為不賢者計也遷靖
州知州踰月投劾歸築玩易草堂自稱石屋山人清
修雅度迥出塵表鄒守蓋羅洪先咸與為性命交監
司府縣長吏高其風謂司有不造彭石屋者非後人
也山居十二年石屋忽頽得即自為傳誌祭文沐浴
榻家廟端坐而卒

王問字子裕無錫人為人端介受業同縣邵賢早以
學行稱既舉會試自以造詣未克不赴廷對閱數歲
至嘉靖十七年始成進士授戶部主事監徐州倉咸

羨耗十二三以父老乞便養改南京職方尋遷車駕
部中南都舊設馬快船七百八十餘艘歲役軍修繕
至四千餘人費不貲有轉徙至自殺者問為白尚書
宋景請官出歲例銀辦之得報允時有詔清武職冒
濫者問按籍論黜請寄不得行守備中官乞餘軍供
洒掃堅持不予出為廣東食事過家省父性至孝依
依不忍別行未半道乞歸養父卒遂不復仕築室湖
上專志讀書三十餘年不履城市按撫先後論荐堅
執不起工詩文旁及書畫清修雅尚四方士大夫皆
心慕之卒年八十門人私謚曰文靜先生予鑑字汝

明嘉靖末年進士為武定知州府隸持牒至語不遜
鑑怒杖之以白府知府意不悅然無以難之也鑑並
勵廉節修實政按捕豪奸正其罪居四年州大治入
為戶部員外郎尚書楊博雅知鑑調之吏部歷稽勲
郎中念父老謝病歸奉養不離父側及父沒服除聞
張居正當國恣橫遂不起居正卒中外多荐者召起
故官旋進尚寶卿求罷不允乞改南京乃授鴻臚卿
久之引年乞休詔進太僕卿致仕方里居時父趣令
之官鑑日為治裝為故以事失期要諸故人前謝父
乃聽之鑑亦善畫有言勝其父者遂終身不復作恬

靜敦篤與父相亞鄉人並稱之同時三國祥字祿之
長洲人嘉靖八年進士改庶吉士除工部主事已調
吏部進文選員外郎尚書汪鑑專伺政府好惡為黜
陟國祥常司事一切持之鑑銜馬會穀祥兄穀禎官
嶺南或傳其物故穀祥因乞歸養而其兄實在不死
政府入鑑言請為真定通判穀祥遂留養不之官久
之孝點為尚書後嚴訥掌吏部皆欲用之穀祥皆不
起穆宗即位徐階當國以為南京文選主事穀祥曰
豈有青年解綬白首彈冠者乎竟不應召穀祥善文
詞兼工書畫與文徵明蔡羽祝允明輩以文翰名吳

中高風雅度士大夫莫不慕之

區益字叔謙高明人少力學博覽群籍嘉靖中由鄉
舉授都昌知縣以亢直忤上官調泰順倭寇猝犯人
人惶恐蓋悉納城外居民而燔其廩舍益藏躬率吏
士乘城嚴設守備賊無隙得入稍懈簡壯士數百人
出奇掩擊斬首三百餘賊遂遁上功簿制府賁賂千金
弗應遂抑不叙稍遷慶遠同知從征古田賊有功改
補温州一府皆善曰此故泰順令也居無何復以忤
上官歸益生平孝友居喪哀毀骨立諱日必哭兄弟
早卒撫其孤如己出所居官威有惠政其歸也裝篋

無長物予大樞舉人大相大倫並萬曆十七年進士
大相官右春坊右中允大倫由東明知縣擢御史二
十三年神宗以考選軍政事削言官二十餘人籍大
倫與馬里居灌園讀書光宗立始召為光祿丞歷南
京戶部右侍郎天啓六年魏忠賢用事其黨御史何
早劾之復削籍歸

張澤字大被桐城人七歲讀論語至事父母竭力事
君致身慨然曰為臣子當如是矣長老皆奇之嘉靖
二十六年由選貢生授沅江知縣縣多曠土招民耕
墾給牛種時巡所陌省民疾苦兼攝武陵事峒寇為

悉率民樂之佯却縱賊大掠明日復然賊懈陰使奇
兵擣其巢遂生繫其魁以憂歸貧不能治喪稱貸畢
事起補巫山巫山舊無驛澤始叛之省里甲費無算
歲饑煮糜以食稅茶歲有例却之俗尚女巫杖而火
其神巫風遂息遷衛州通判西擢龍游常山縣事移
府胡宗憲過其境從者求索無厭知府惕息不敢違
澤執而杖之欲解綬去宗憲約其下竟不敢肆遷廣
安知州一日決滯獄五十置釜薪聽事前令訟者自
入炊作食須臾決判而去人歌之曰民不解帶馬知
聞聞發二倉令罪重者入米輕者入米餘年得千餘

斛供過客得并賑諸生貧者一錢不取入吏部察其
廉能嘗書其名于壁四十四年以治行卓異超擢雲
南僉事明年冬武定土酋鳳繼祖叛率衆圍武定新
城澤督兵馳救之戰敗被執使澤作書乞撫澤叱之
已而諸道兵進勦繼祖懼携澤走殺之于是事聞贈
光祿少卿任一子官

論曰易以剛德為君子柔德為小人彼居官而不畏
強禦非所謂剛德者耶正嘉之際奄宦恣橫權黨糾
結中外鐸騷吏之得行其意者寡矣之數臣者或著
強項之名或樹敢言之節莫不義炳秋霜風生臺閣

雖動遭擯放鬱抑以終要其梗槩亦足自列于後世
矣